



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ

Ո Ր Ո Շ ՈՒ Մ N 216

Տուգանք նշանակելու մասին

14.07.2021թ.

ք. Երևան

Քննելով տեսչական մարմնի կողմից 2021թ. մայիսի 27-ի N 267-Ա հրամանով

«ՆԱԳ» ՍՊԸ-ում

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 267-Ա կազմված 12.07.2021թ., խախտումների մասին 21.06.2021թ. արձանագրությունը և այլ նյութերը), որոնցով բացահայտվել է որ՝

ՍՊԸ-ն զբաղվում է տեխնիկական միջոցների էլեկտրամագնիսական համատեղելիության, ցածրավոլտ սարքավորումների և սինթետիկ հիմքով լաքերի և ներկերի արտադրանքների ներմուծմամբ և մեծածախ վաճառքով: Ստուգման արդյունքում պարզվեց, որ ներկերի արտադրանքները իրացվել և վաճառվում են համապատասխանության գնահատման փաստաթղթերի բացակայությամբ, ինչպես նաև տեխնիկական միջոցների էլեկտրամագնիսական համատեղելիության, ցածրավոլտ սարքավորումների և ներկերի արտադրանքների մոտ չեն պահպանվում տեխնիկական կանոնակարգով սահմանված մակնշմանը ներկայացվող պահանջները:

Փաստացի խախտվել են «Տեխնիկական կանոնակարգման մասին» ՀՀ օրենքի 27-րդ հոդվածի 2-րդ մասի և ՄՄ հանձնաժողովի 2011 թվականի օգոստոսի 16-ի N 768 որոշմամբ հաստատված «Ցածրավոլտ սարքավորումների անվտանգության մասին» Մաքսային միության տեխնիկական կանոնակարգի 5-րդ հոդվածի 1-ին, 5-րդ կետերի, Մաքսային միության հանձնաժողովի 2011 թվականի դեկտեմբերի 9-ի N 879 որոշմամբ հաստատված «Տեխնիկական միջոցների էլեկտրամագնիսական համատեղելիություն» Մաքսային միության տեխնիկական կանոնակարգի 5-րդ հոդվածի 1-ին, 4-րդ, 5-րդ կետերի, ՀՀ կառավարության 18.11.2004 թվականի «Սինթետիկ հիմքով լաքերի և ներկերի կանոնակարգը հաստատելու մասին» ՀՀ կառավարության N 1647-Ն որոշմամբ հաստատված կանոնակարգի 7-րդ կետի, 13-րդ կետի ա) ենթակետի 3,4,5,6,12,13,14,15,18 պարբերությունների, 20-րդ կետի պահանջները:

Կատարված իրավախախտման հանգամանքները և խախտման էությունը

Նշված իրավախախտման համար պատասխանատու է՝

Տնօրեն՝ Վլադիմիր Գուրգենի Ղազարյանը

իրավախախտողի անունը, ազգանունը, պաշտոնը

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 244 պրիմ 7 հոդվածով.

Ո Ր Ո Շ Ե Ց Ի

1. Տվյալ իրավախախտման համար պատասխանատու ճանաչել Վլադիմիր Գուրգենի Ղազարյանին և կիրառել Վարչական իրավախախտումների վերաբերյալ Հայաստանի Հանրապետության օրենսգրքի 188 հոդվածի 1-ին և 2-րդ մասերով նախատեսված պատասխանատվության միջոցները, սահմանել տուգանք՝ համապատասխանաբար 250.000 /երկու հարյուր հիսուն հազար/ և 150.000 /հարյուր հիսուն հազար/, ընդհանուր՝ 400.000 /չորս հարյուր հազար/ ՀՀ դրամի չափով:

2. Համաձայն Վարչական իրավախախտումների վերաբերյալ օրենսգրքի 305 հոդվածի՝ տուգանքը պետք է վճարվի Պետական բյուջե 900005024014 հ/հ տուգանք նշանակելու մասին որոշումը իրավախախտողին հանձնելու օրվանից ոչ ուշ, քան 15 օրվա ընթացքում:

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Տուգանքը սահմանված ժամկետում վճարելուց հետո բանկային կտրոնի պատճենը անհրաժեշտ է 3 օրվա ընթացքում ներկայացնել տեսչական մարմնին՝ ք. Երևան, Կոմիտասի 49/2 հասցեով:

5. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

Տեսչական մարմնի ղեկավար՝



ԱՐՄԵՆ ԿՈՏՈՒՅԱՆ